

2025

MAOLA

(Modern Indian Language)

Full Marks : 100

Pass Marks : 33

Time : Three hours

The figures in the right margin indicates full marks for the questions.

Ano kowo hi A, B, C, D, E tto omu pongo bue.

Ano kowo khru marks hi izhopo lopu hekhi pihithoe.

OMU (Section – A)

Mocholeshe Kophroleshe (Prose)

Ano kowo khru hi olapo 50-60 leino kola rühio.

1. Orapfüpei no Pinocchio heno kasha pfokolo kokhei kapi ko sü rühio? 3
2. Roleikhro makeio chanio ni 1948 ko thi kotumei zhu sü rühio. 3
3. HIV tatie momoe ticho kolei kowo zhu khru sü rühio. 3
4. ‘Khibo no pfü hili khotosü tozüe pfü kocho so ticho sü hihi somedo’? Adeivano Nelozü no hihi pewe? 3

Anokowo khruhi olapo 30 – 40 leino kola rühio.

5. Adei duno kosa ye kolakhe nghi sü oto khroto tatie? 2

P.T.O.

6. Mopfu 1929 ko 'Naga Club' no Simon Commission he adei tto rūpie ye 1935 ko no adei tho mashü loe? 2
7. W.H.O no adochu prakowo phiko kahei du krü khikowo sü rühio. 2
8. Kohibvüo oni süno Kholio yi sü kokipra pie? 2
9. 'Alichu kocho ye alichu komo rashü sü tohili kohibvüwe tto Nelozü no pe? 2

Anokowo khruhi kola dzübo tto rühio.

10. Kohibvüo Kholio no asoto kovu chü sü Kapeini no Kholio yi mashü loe? 1
11. Khetsüra koso hi adeivano sopratiwe? 1
12. Mopfu 1948 koki atheno Kateime Deputy Prime Minister soe? 1

Omu (Section – B)

Chashila (Poetry)

13. 'Motho' ticho chashila ti rüzhu (Summary) rühio. 3
14. Ora koro so pfü komo,
Opro kashü so pfü komo,
Kali yiko somakrü komo,
Mazhano amani okhro.
Kashio no mocho kowo sü rüprahio. 3
15. Athoshu cho alelei,
Mani makrü pfo kobu
Chanimoe tahio ta veizühio,
Mahra loti veizüle.
Kashio no mocho kowo sü rüprahio. 3

16. Adeivano kashio no 'Opha hoe itsü asorao' tto pewe? 3
17. Adei kosomei no lova lovu nghine akrole tiwe? 2
18. Athemei no okhro yi mangei lohroe tiwe? 2
19. Chühelelei kolo chükhrito khruno adei sotiwe? 2
20. _____ nulo koru so! 1
- (a) Oba no (b) Ophi no
- (c) Mahrü (d) Opfuzho no
21. _____ vulo kari chükhrito no. 1
- (a) Zhekro (b) Atukro
- (c) Nekro (d) Alekro

Omu (Section – C)

Kophro (Reading)

Akhrupai pikowo oko hi phrolowo anokowo khruhi kola rühio.

Deni chülu kali he mopfu chani (7) oto makratie. Süpha chü sü ochü machi so irü ngho pimo kotu duno odo detholo motie, kochu chu detho kahi khruise odzü thutiwo otho mashülo komo kolimo pfole lei ovu opro khru-e kali khrü-e pramotie. Otomakra kocho chülu lei sü kanimei do ngho ozho kru kocho lei mohruta kowo chü ovü vüchu no olebvü shomo chokhovü no (a kind of grass which leaf is very big) olebvü lowo hayi showe. Adeisono tili ovü vüchu vahi hayi zhekho monghü talo chomoe ana chokhovü vawoli hayi zhakho monghü kata sü pfovu onamei yi peno malei leiwe.

Otomakra kocho chülu lei sü chühelei mei kali sü pfotamei otukhrusü datha lowo onamei yi bopie, ana thobu koho duno oso makhrei toise ye chühe lei mei kakrü

kali sü ovu makhrei no onamei yi bopie. Oso makhrei kotowo tamei sü ozhi ongha chülowo thikhri titie. Ana ovu makhrei kotowo tamei sü mei kaliko thimoe. Süduno izhode-e oso makhrei koto hi zhü chomoe to kotsümei no petawe.

- | | |
|--|---|
| 22. Otomakra kocho chülu lei sü ochü machi so irüngho komo duno adei pratie? | 2 |
| 23. Otomakra kocho chülu chü sü adei no ole bvüo mohru we? | 2 |
| 24. Adei koso vano chokhovü no ole bvüo mohruwe? | 2 |
| 25. Osomakhrei kotowo tamei chühe lei mei vasü adei pratie ye adei vanoe? | 2 |
| 26. Kotsümei no izhoden kotue adei koso zhümoe tto petawe? | 1 |
| 27. Mopfu chüzhoko otomakra tie? | 1 |

Phrolowo anokowo khruhi kola rühio.

Deni chochü omei kali sü ochümei thitio opfo ye ona ala hrüo kobuchü, pfonghi sü mopfu kapra tsü ohro li liwe. Mopfu kali kosü ohro li hi thowo pfonghi ohro sü zhüshu kapra heno okhena no zhathawo hotie. Sütoko pfonghi sü nelowo ole mazhi shupfo butie.

Ona süno itsü kali mocho pralowo opfo he süno anoe, “Apfo aheino Oramei dzüpa so komo kali bue, süsüwoli ahei mopfu tsü oramei kralo pewo Pfoyi shüla piwo homoe.” tto ona süno opfo heno anoe. Opfo süno pe, ‘Anghi süta sü pi chomoe’ tto petie. Sühe süno ona süno pe, ‘Apfo ahei ocha omo ye choholi thopfü hi Oramei no sopi se, südu süno ahei Oramei zhi pi moli shüe’ tto pehie. Opfo ye onasü ole chülu lowo Oramei he mazhichü pehie, “Lipeo, ahei mashu wotie, ahei yie sokhro pihio, ahei nichü züle’ tto mazhichü pe.

Oramei no pfonghi kokho sü anopie, sübvüo öche ruho thopfü süno vu pfonghi ohro lei kobu khena thopfü sü pu tolo ye made pfo zhe tatie. Sütoko pfonghi hro sü zhüshupra tie ye Pfonghi sü ohro tho zhüshu pfo neloe.

28. Mopfu kali kosü opfo ye ona ohro sü adei sotie? 2
29. Ona süno opfo heno adei tto anotie? 2
30. Ona süno opfo hesü adei kola pepi tie? 2
31. Adei tto opfo ye ona süno mazhichü pe? 2
32. Kohibvüo Oramei no pfonghi kokho sü ano pie? 2

Omu (Section – D)

Writing (Korü)

33. ‘Kokru kocho (Sports) hi motsü shue’tichovano olapo 80–100 lei no rühio. 6
34. ‘Chüthuni’ vano olapo 100 – 110 lei no rühio. 8
35. All India Radio Station Director he Mao Programme zhü chosovu hi omeimoso yi amazhü piwe ticho vano mape chü kali rühio. Ni zhu hi XYZ koe tto rülo. 6

Omu (Section – E)

Olalu (Grammar)

36. Phasü ota khru zhu sü rühio. 3
37. Pihi kotho olako khru lei hino sopfüli (Subject) ye vanoko (Predicate) sokrü prahio. 3
 - (a) Ruhokhru no okre sowe.
 - (b) Oleikovo no dzübu kodzüwe.
 - (c) Inghi no opro towe.

38. Pihi kotho olako khruhi phrolowo pipi mosho cha kolei kobu chüpe hi adeikoso shüpeilekro lei bue ticho sü rühio. 3

(a) "Ash!" Adei yi prati lesa ichowo?

(b) Neli hi shahramei la "sü mazhü shue".

(c) Ni korüsü sü ngho "ho" teie?

39. Pphotomei no so chüno kahei rühio. 2

40. Pihi kotho olako khruhi lathe rühio. 2

(a) Ababo

(b) Abuzü kocho

41. Osi _____ katei maki chünoe. 1

(a) nobi

(b) mali

(c) molü

(d) onghi

42. Nüba luli _____ tiwe. 1

(a) opra akhutiwe

(b) kra

(c) opfoh so

(d) opi so